

軍政

甲辰年

練兵處兵部會奏另定新軍官制摺

奏爲武職猥濫難資鼓勵亟宜另定新軍官制以作士氣而振戎行恭摺仰祈 聖鑒事竊臣等  
疊奉 諭旨整飭武備業將釐定陸軍營制餉章暨各項武備學堂辦法並出洋就學章程先後奏蒙  
俞允頒行各省在案其餘應辦各事自應次第籌畫以期逐漸整頓竊以爲欲興軍政須有以振起  
士心欲振士心莫先於注重武職恭讀乾隆五十一年 高宗純皇帝諭曰國家設立武職原欲其  
折衝捍衛其責並不輕於文臣有明之季文臣用事武備廢弛疆圉孔棘國事遂不可爲此皆重文輕武  
之流弊不可不引爲殷鑒等因欽此大哉 聖言昭示萬禩矣臣等伏思武職者固 朝廷所以

嚴圖奇獎戎功而亦以之鼓舞羣材奔走豪傑蓋必使人人重視乎名器乃能使人人自奮於功名其機  
甚微其效甚著方今東西洋各國風氣右武人皆以從軍爲樂以武職爲榮雖居下士視若清班以故民  
氣日強國勢稱盛洪惟我 朝武功震耀今古 開國之初內而八旗勁旅外而各省綠營分職設  
官規模大備軍興以來各路營伍平賊立功其以戰績遷保至專閫大員者指不勝屈而齒莽不學之夫  
亦得以遺際時會圖身右職自致通顯事定之後無缺可補或投置閒散或借補小缺甚至有羅歸田里

不能餬口自給者故雖提鎮崇階已非復如昔時之可貴至於千把末秩則更視爲無足重輕之官稍有  
志節者咸鄙薄而不屑就武職猥濫莫甚於斯亦積漸之勢然也近者 朝廷銳意自強屢奉 詔  
書振興武學海內人士靡然從風其自將弁武備各學堂畢業及游學回國諸生肩背相望於道並有以  
宿將而折節受學亦有以文職而隨班肄業者莫不精研藝術具有專長而新定營制選派營員又多屬  
出身學堂或諳練武備之人誠以兵事至精新理日出必須嫻習科學方能蔚成將材固非如從前齒莽  
之夫徒恃血氣以從事也夫以學堂成就之難軍營選擇之慎而其進身之途仍不外乎千把末秩無足  
重輕之官其誰不廢然而自沮乎董仲舒有曰琴瑟不調甚者必改絃而更張之臣等嘗考歷代職官其  
制度之沿革異同名號之繁複叢雜多至不可勝紀推原其故大抵習見者不足爲榮則後起者必別立

北洋官報

第五百二十一號



3 2497 8070 5

名稱以更易之乃能使耳目爲之一新志氣爲之一振因時制宜之道蓋亦有出於自然者近歲以來朝廷破格用人屢有以漢臣而

特加滿秩者異數殊寵誇耀一時馭世微權莫妙於此且今日四海一家率土臣民同居

覆轡之中久浪滿漢之見若因勢利導而予以人情之所榮知必有鼓舞欣

欣竄然嚮慕者臣等公同商酌參仿八旗官員之秩序旁採各國軍營之規制擬定新軍官職區爲三等

析爲九級上等軍官有三第一級曰正都統秩視提督階從一品第二級曰副都統秩視總兵階正二品

第三級曰協都統秩視副將階從二品中等軍官有三第一級曰正參領秩視參將階正三品第二級曰

副參領秩視遊擊階從三品第三級曰協參領秩視都司階正四品下等軍官有三第一級曰正軍校秩

視守備階正五品第二級曰副軍校秩視千總階正六品第三級曰協軍校秩視把總階正七品嗣後凡

學堂出身或游學畢業以及諸習武備帶領新軍各員均以此三等九級軍官分別除授各與對品文職

體制相仿如蒙 俞允其一切補授選轉詳細章程再由臣處臣部悉心覈定奏請 聖裁至各省

綠營一時尙未能盡廢其官名自可暫仍其舊俟將來綠營盡裁時再行酌量更改庶足以作新士氣振

勵戎行名器自不可輕上以隆 聖世官人之典榮途俾知共奮下以儲千城衛 國之材實於經武

圖強裨益匪細是否有當謹合詞恭摺具陳伏乞 皇太后 皇上聖鑒訓示再此摺係練兵處主稿會同兵部具

奏合併聲明謹 奏

桂撫李奏考查州縣要政請俟軍務平定欽遵辦理摺

奏為欽奉  詔旨考查州縣要政年終開報懇  恩展緩俟軍務平定欽遵辦理恭摺仰祈

聖鑒事竊照承准政務處咨光緒三十年五月十四日內閣奉  上諭朕欽奉

慈禧端佑康頤昭豫莊誠壽恭欽獻崇熙皇太后懿旨從來民為邦本國家用人行政無非為民州縣之

設原來與民相親俾周知閭閻疾苦朝廷簡任督撫及藩臬道府等官皆欲其盡率攸令盡心民事庶幾

撫綏休養保我羣黎百官俸祿皆係民膏民脂若養尊處優而不憫百姓之顛連無告捫心清夜何以自

安中國官民隔絕痼習已深頗聞各省州縣官多有深居簡出玩視民瘼一切公事漫不留意以致幕友

官親朋蔽用事家丁胥吏狼狽為奸公款則舞弊浮收刑案則拖累凌虐種種魚肉為害無窮小民何辜

受此荼毒深宮倦懷赤子每一念及常為淚下嗣後責成各省督撫考查州縣必以為守俱後下無苛擾

聽斷明允緝捕動能為地方興利除害於學校農工諸要政悉心經畫教養兼資方為克盡厥職著自本

年為始每屆年終各該督撫將各州縣臚列街名年歲籍貫清單注明何年月日補署到任經徵錢糧完

欠分數及有無命盜各案詞訟已結未結若干起監禁羈押各若干名均據實開報其尋常公罪處分

實不准出籠統寬泛考語奏到後著交政務處詳加查核分起具奏請旨勸懲並著將各省奏單刊入官

報與眾共知以通下情而伸公論前經降旨諭令各省將書吏差役嚴行裁汰即張之洞與劉坤一會奏

摺內亦痛言此弊並恤刑獄各條皆于吏治民生極有關係何以因循不辦著一體督飭屬員認真整頓

各該督撫務當破除積習察吏安民切實遵辦用副朝廷力挽頹風勤恤民隱之至意欽此查行到粵當

經前撫臣轉行欽遵查照督屬認真整頓嚴加考察年終由藩臬兩司將各州縣所辦一切政務據實臚

列詳奏臣履任後查得興建學堂及種植工藝等事多未能舉辦係因匪亂之故恐有藉口因循復經飭

司切實率辦去後茲據藩司張廷燦會同臬司劉心源詳稱伏查廣西從前州縣積習誠不免有深居簡

出與民隔膜公事漫不經心罔知閭閻疾苦等弊近年因遊匪土匪到處勾結紛擾各州縣俱備辦團練

以查捍禦日與紳民相接隔膜之習漸除隱蔽作奸之弊亦息而于民間疾苦不至如前之漠不關心其

庸劣不職之員迭經督署臣前撫臣恭處示儆目前吏治似尚整飭盜案破獲即著錄確供詳報察明情

罪相符批行就地正法命案皆隨時依限招解並無不結之案准理詞訟及羈押人犯本定有章程按月

彙報亦無積壓濫押惟應與辦之學堂以及警察種植工藝等事則僅桂林省城並平樂梧州潯州兩府

等府附郭各縣具報竭力籌辦此外各屬實因匪氛未靖日以防禦外侮清查內奸為務兼顧不遑紳士

民人無不合力團練或分扼要隘或築壘聚守都已荷戈防患未克偃武修文警察即寓於防禦清查之中一時難再籌費另設專門種植工藝爲興利之源固不容緩然不能不築壘遷居聚守以防匪徒剽掠各戶原有之田地或相距數里十餘里不等往返耕作已多勞累無暇再務開荒工藝亦然至於應徵錢糧富視民間耕種有無失時收穫之豐歉爲經徵之盈絀每有民力拮据輸將未能如期無從預定應俟

北洋官報

一一

第五百六十九號

通省較平再行欽遵辦理至各衙門書吏差役前已大加裁汰合併聲明等情詳請覈奏前來臣覆加查覈該司等所詳皆係實在情形相應籲懇 天恩俯准展緩臣仍督飭隨時體察如有地方漸瘳而藉詞推諉並怠玩不知振作者立加叅劾外謹據實恭摺具 奏伏乞

皇太后 皇上聖鑒訓示謹 奏奉 硃批政務處知道欽此

子立界會哨 一昌吉縣屬西三十戶設中卡倫一座把總一名兵三十名歸駐紫昌吉之撫標左營游擊管轄東與新渠卡會哨西距呼圖壁縣丞屬桑家渠卡二百六十里在中間沙棗園子立界會哨 一呼圖壁縣丞屬桑家渠設小卡倫一座外委一名兵二十名歸駐紫呼圖壁之撫標左營中軍守備管轄東與昌吉縣屬西三十戶卡會哨西距綏來縣屬西四渠卡一百里在中間岌岌梁子立界會哨 未完

新撫潘奏設立卡倫查禁逃哈籌議章程摺續六百七十一册

一綏來縣屬西四渠設小卡倫一座外委一名兵二十名歸瑪納斯協標左旗都司管轄東與呼圖壁桑家渠卡會哨西距新盛渠卡九十里在中間大河岸立界會哨 一綏來縣屬新盛渠設中卡倫一座把總一名兵三十名歸瑪納斯協標右旗守備管轄東與西四渠卡會哨西距庫爾喀喇烏蘇屬車排子卡三百里在中間達連湖立界會哨 一庫爾喀喇烏蘇屬車排子設大卡倫一座于總一名兵四十二名歸庫爾喀喇烏蘇營中軍守備管轄東與綏來縣屬新盛渠卡會哨西距精河廳屬甘家湖卡二百里在中間蘇興灘立界會哨 一精河廳甘家湖設大卡倫一座于總一名兵四十名歸精河營中軍守備管轄東與烏蘇屬車排子卡會哨西距忙各布魯卡二百八十里在中間東海子立界會哨 一精河廳屬忙各布魯設小卡倫一座外委一名兵二十名歸精河營中軍守備管轄東與甘家湖卡會哨西與吐爾扈特接壤應由伊犁將軍飭知吐爾扈特查禁 一每卡設卡書一名專司登號驗票及造報地糧羊隻等事 一卡兵以十名為一棚內什長一名卡兵九名 一每棚十名以馬兵五名專司巡緝以步兵五名專辦屯牧均輪流充當以均勞逸 一會哨處所兩卡派兵公築土墩為界高以八尺為度四方以八尺起脚六尺結頂面書某卡界墩各相距若干里字樣兩卡各於墩側無論土窰石洞磚房各修一二間庶會哨所至以資棲息而蔽風雨應由該管營旗官督率本營兵丁以及各卡兵丁合力修建不准開支經費 一各卡會哨均酌派馬兵在東西界墩往來梭巡如遇零星哈薩克入境立即攔回如遇大股圍越該卡弁兵飛報本管營旗官派大隊前往壓逐令歸原牧其執有科布多阿爾台山塔爾巴哈台各大臣護照前來新疆販賣牲畜兌換糧食貨物者應令赴卡驗票掛號限期歸牧 一各卡槍矛器械儘該管鎮協營旗所存取用不敷由省城軍裝局發給 一各卡兵每名應發號衣一件由省城軍裝局製發一次以後在所得溫價內自行製備不再由中公取用 一各卡火藥由該管營旗官隨同本營兵丁所需一併在軍裝局具領 一各卡兵家具按照楚湘軍營制由中公製發一次卡弁卡書共發銀四兩每卡兵一棚發銀四兩計大卡應發銀二十兩中卡發銀一十六兩小卡發銀一十二兩由屯牧總局

發給毋庸打還此後由各卡自行添補不准開支 一卡弁一名月支薪水銀九兩公費一十二兩馬乾火夫一概在內卡書一名月支薪水銀三兩食糧四斗其餘什長及馬步兵丁月各支鹽菜銀九錢食糧四斗馬兵一名月支馬乾銀一兩八錢銀由各該管營旗官隨同本營兵餉在司庫請領糧由各地官開支具報俟本卡糧足之時按照時值折發價銀亦可

(未完)

新撫潘奏設立卡倫查禁逃哈籌議章程摺 續六百七十二册

一卡弁一名撥給地一百畝卡書一名什長一名各撥給地三十畝卡兵一名無論馬步各撥給地二十畝均二畝折一或畝半折一即地少之處亦須加二三四成撥給均由各地方官籌撥足數移交各營旗接收具報荒熟不拘惟須土肥水足俾其大獲屯田之利以垂久遠 一卡弁一名給孳生羊一千隻卡書一名給孳生羊一百隻什長一名馬兵一名各給孳生羊二百隻步兵一名給孳生羊一百隻均暫發二成計卡弁一名羊二百隻卡書一名羊二十隻什長一名馬兵一名羊四十隻步兵一名羊二十隻由地方官採買足數移交各營旗官接收具報羊價在屯牧總局具領該卡弁接收羊隻之後並由地方官在卡倫附近籌撥草山令其自行牧放放生不息約計五六年後即可積至十成作為孳生成本羊隻定額此後孳生之羊謂之利羊又在官山牧放三年皆能長大臙壯無論馬步弁兵按年分額一次其利甚大所有卡弁薪水銀九兩卡書薪水銀三兩糧四斗馬步兵鹽菜銀九錢糧四斗及馬乾銀一兩八錢概行停支惟卡弁公費銀一十二兩仍照常支給 一卡兵十名為一棚內什長一名馬兵四名每名借給馬價銀八兩鞍轡銀四兩又每棚十名共借給農器銀四十兩計每棚銀一百兩均在屯牧總局請領初年免繳自次年起作三年繳清均准以糧石作價就近繳歸地方官倉內 一各卡房屋應令卡弁督率卡兵自行搭蓋凡設兵四十名者給銀四十兩設兵三十名者給銀三十兩設兵二十名者給銀二十兩以為椽樑門窗之用在屯牧總局請領免其繳還 一卡兵一棚每棚給官馬四匹內驕馬一匹驃馬一匹兒馬一匹成駒一匹並加餘馬一匹共五匹由各營旗派撥弁兵持文赴巴里坤鎮濟木薩營將孳生廠內撥給專為耕地之用其願以馬易牛者聽 一卡弁卡書之地歸卡兵公種內大卡弁書兵丁四十二人共撥地九百七十畝計四棚每棚種地二百四十二畝五分中卡三十二人共撥地七百六十畝計三棚每棚種地二百五十三畝三分小卡二十二二人共撥地五百五十畝計二棚每棚種地二百七十五畝其加撥餘地攤加各兵內併種每地一畝作為一股秋收後各將一年倉糧馬料及來歲籽種從

寬留存下剩糧石若干無論弁書卡兵均照股攤分仍將攤分數目呈由本管營旗官通報查考 一  
大卡本羊以七千一百隻爲足額中卡本羊以五千六百隻爲足額小卡本羊以四千一百隻爲足額均  
先發給二成應令卡弁督率卡兵妥爲牧放每屆年終將本利羊隻實在數目呈由本管營旗官通報查  
考 一以上各項內如有未盡事宜統照常備兵章程辦理 以上卡路二千九百二十里設大卡倫三  
處中卡倫八處小卡倫六處共卡倫一十七處卡弁一十七名卡書一十七名卡兵四百八十名內馬兵  
並什長二百四十名步兵二百四十名應撥上地一萬二千二百九十畝二成孳生成本羊一萬八千一  
百四十隻又每月應支薪水鹽菜馬乾銀一千二百七十二兩兩歲共支銀一萬五千二百六十四兩又每  
月應支倉斗糧一百九十八石八斗歲共支糧二千三百八十五石六斗銀由該管營旗官隨同兵餉請  
領糧由各地方官在倉儲項下支給具報奉 硃批覽欽此



直督袁奏分飭官紳游歷片

再今之識時務者輒憂民智之不開願治民事者官也而官之泄沓如故作民望者紳也而紳之蒙昧如故欲求民智之開非由官紳入手不可開智之道年少英俊者使之游學年長更事者使之游歷二者分途並進多歷年所收效必宏直隸游學官紳士人經臣先後派遣官費自費各學生計一百數十人絡繹東渡但費重時長暫難普及因議訂官紳游歷之法期於祛錮蔽而廣見聞親民之官莫如牧令凡學堂警察農工諸大政皆關緊要師資現通飭實缺州縣人員除到任已久未便令離職守外其餘新選新補各員未到任以前酌給津貼先赴日本游歷二月參觀行政司法各署及學校實業大概情形期滿回國然後飭赴新任並責令呈驗日記以徵心得數年以後出洋之地方官日見增多庶新政不至隔膜此派官游歷之辦法也又以各州縣學堂工藝諸端官不能獨任其勞皆須紳董相助爲理特以風氣未開或漫不經心或暗相掣肘現通飭各屬公舉品端學粹之紳咨送日本游歷四月應需經費有取諸學款者有另行籌備者每州每縣至少須送一人選派護送員譯員隨同東渡此遣紳游歷之辦法也方今時局更新惟有上下一心博采鄰邦之良法此次官紳游歷爲目前行政改良之漸即將來地方自治之基所有分飭官紳游歷緣由理合附片具陳伏乞 聖鑒謹 奏奉 硃批知道了欽此

鄂督張奏特委武職大員飭逸乘轎請 旨懲處摺

奏為特委武職大員因仍舊習耽逸乘轎不知振奮請 旨懲處恭摺仰祈 聖鑒事竊照武職人

員身列戎行必其平日能習苦耐勞克自振勵有事始能率先士卒甘苦與同近來緝營習氣武職大員

率皆耽逸畏勞委靡不振出必乘轎習為固然勇營統官亦漸有之光緒二十八年臣之洞會同調任撫

臣端方具 奏籌議湖北練兵事宜摺內聲明自實缺總兵起武職概不許乘轎經政務處議覆恭查會

典從前屢奉 諭旨申飭武職不許乘轎恭為嚴切將軍提鎮如官力已久年逾七十方准奏 聞

請 旨現當整飭軍伍之際尤當力求振勵武職為營隊表率自應一概不許乘轎等因奉 旨依

議欽此當于二十九年三月經前兼署督臣端方恭錄咨行欽遵辦理在案當此時局艱難正武臣枕戈

待旦之日各該武職大員應如何屏除積習力戒儉安乃查宜昌鎮總兵鄧廷臣鄖陽鎮總兵鄧正峯于

接奉行知之後置若罔聞此次來省仍復依然乘轎毫無顧忌舊制新章一概置之不理在省如此在鎮

可知官屬怠惰驕妄罔知儆改律以違 制之條厥咎甚重姑念相沿舊習量予從寬然不稍示薄懲無

以肅禁令而昭儆戒相應請 旨將宜昌鎮總兵鄧廷臣鄖陽鎮總兵鄧正峯摘去頂戴撤去花翎以

為玩令儉安者戒容臣隨時察看如以後尙能愧奮改圖力求振作再行 奏請開復所有特委武職大

員飭逸乘轎請 旨懲處緣由謹繕摺具陳伏乞

皇太后 皇上聖鑒謹 奏奉 硃批著照所請兵部知道欽此

奏爲遵 旨擬訂收槍查槍章程奏明立案恭摺具陳仰祈 聖鑒事竊臣等奉 諭旨於光緒三十年

十一月十八日欽奉 諭旨李經羲電奏悉據稱廣西匪股旋捕旋熾實因槍碼之多惟有誘賊

設計嚴斷接濟不礙自戢核計戰功應以多奪快槍快碼爲上分營分哨實報實核并期登時奏獎兵則

立給優賞槍碼全數繳驗不准留營各營存槍先編號烙印報查如有購槍冒獎及虛報失槍旋冒稱得

槍與奪獲匪槍匪不盡繳者嚴查正法等語匪根既絕匪患自清著岑春煊李經羲即照所陳各節督飭

認真辦理餘依議惟民間團練快槍留以防匪應如何分別查存以免兵勇差役藉端訛詐贗槍仍舊

督撫妥籌辦法欽此伏查西匪之悍全在於槍匪中購槍每支出價數十元至百餘元購彈每顆出價五

六角至一元不等厚利所在營團以及奸商往往私售接濟其收購之廣既如此及其與官軍接仗每以

十餘匪共護一槍甲若擊斃槍又歸乙其惟恐失之也又如彼迫至大敗官軍搜之甚急則悉埋其槍碼

於深山曠野中留爲後用以故官軍獲勝斬馘尙易奪槍甚難故欲清匪源奪槍較斬馘爲尤要以有槍

則民皆可爲匪無槍而匪亦爲民現值全省股匪一律盪平尤宜趁此兵威將餘匪隱匿之槍及營團商

民存儲之械分別查明搜繳爲久安長治之謀臣等查於上年六月會定奪槍獎賞章程但係優給花紅

未經明定保獎茲奉 旨以奪槍核計戰功具見 聖主鼓舞羣材之至意當與臣經義往返熟商

擬定章程十七條另繕清單恭呈 御覽如蒙 俞允即當通飭各文武認真遵守查照辦理所有

遵 旨擬訂收槍查槍章程緣由謹合詞恭摺具 奏伏乞

皇太后 皇上聖鑒訓示謹 奏奉 硃批著照所請該部知道軍併發欽此

謹將擬訂收槍查槍章程繕具清單恭呈 御覽 一按軍各派委員一員若一軍在四營以上派委

兩員攜帶製發火印鋼模到營會同該軍統領營官先將該營哨原領積領槍支子碼頁數查明某次領

某種槍若干某種碼若干新營自成軍之日起舊營自近三年起均注明何時領到何處給發戰失及陣

用繳換損壞某種槍碼各若干均分別注明時地及已報未報現實在某種槍碼各若干造具詳細底冊

一分由委員帶回親繳再由委員會同營哨官將實存槍支點驗烙字號號烙各字務令清楚如一營

一哨分紮幾處不能因烙槍調回該委員須親赴各哨棚駐紮處所眼同營哨官烙毀不得將印模交與營官派人往辦仍將烙毀過槍支名目號數造具清冊通報並將所發印模帶回繳銷倘有遺失即將該委員處罰委員夫馬薪水從優發給不准絲毫需索如能辦理切實差竣記功酌量草率朦混查實參處

一各團團練槍支子碼有請領借領者有公購私購者名目分歧規值通省清查者不將民間存槍一律烙毀勢必混淆難分匪根仍難淨盡應飭各地方官先期示諭告以此舉專為分清眉目區別良莠各團非槍無以自衛斷無收回禁用之理先事祛其疑懼免致臨時驚擾統限三個月由該地方官會同委員攜帶製發印模將各團請領借領公購私購各種槍支一律查明烙字號號事竣按團造冊通報存查仍將烙毀槍支分存各團公局備用各團如有始終抗匿或以多報少查出提槍充公仍治以隱匿之罪所有烙毀槍支責成各團總隨時稽查無故短少及本團之人有租借濟匪情弊立即報官究辦扶同徇隱一律科罪若團總濟匪亦准本團之人告發認陷裁害者反坐地方官仍隨時下鄉抽查調驗如查有未經烙毀之槍及團局實存烙毀之槍與檔冊不符者均即切實追究至查槍委員近省各屬由省邊委邊遠各屬即將應用印模封發該管道府由該道府遴委各委員查團驗槍必須會同印官親身周歷各鄉逐團查驗不准假手胥役儻有需索滋擾准紳民指控至委員夫馬薪水概從優給辦缺州縣此次查團夫馬及造冊用費亦准據實請領清查報竣原發印模一概呈繳辦理妥實之各印委釋九獎勵延玩草率分別徹究

署粵督岑等會奏遵

旨擬訂收槍查槍章程奏明立案摺數六百四十四冊

(未完)

一以後如有添招新營及各府廳州縣添募親兵暨各營團練遺失損壞補領之槍均須照此次定章一律烙字號號已經此次烙毀之槍收回改發某處則但加烙補發某處字樣毋庸重編號數又各營間有於配發槍支之外另領操槍或因前敵急需借領槍支備用以上兩項均不能指定何哨只能烙一營名如定武軍則烙定武兩字保安營則烙保安兩字亦暫毋庸編號各局處於發槍後即將發出何營槍支若干烙印字樣號數分別初發發製造冊通報 一以前各營團原領之槍間亦有曾經烙字號號者該印委仍應用此次製發印模照章烙字號號 一各營官長每有隨身自置之槍各署局公館嚴商富室平民亦多有置槍自衛者此等自置之槍本人如願繳槍領價准其呈驗給價如欲留為自用應呈交該印委驗明烙字號號造冊通報如有遺失即須就近報明存案以憑查究 一烙字鋼模長約一寸五分寬約三分烙在槍支木柄右面最低處預留烙部位各營槍支如常備中營中哨則烙常備中

署江督周編改營制分飭遵照札

爲札飭事照得江南各路防營舊制極爲紛雜教練亦未得法近年屢奉 明詔飭令改練事宜大加整頓以期漸成勁旅現經本署部堂飭據督練公所查照練兵處奏定章程將編改事宜分擬辦法具詳前來業已批准照辦所有盛武左右翼擬照新章全用徵兵應卽編爲南洋常備兵步隊第一標札委補用道徐紹楨爲標統譚軍正四旗編爲第二標札委江蘇候補道朱思綬爲標統常備右軍編爲第三標札委儘先副將陳煦亮爲標統武威新軍編爲第四標札委記名總兵龔炳魁爲標統合字五營編爲第五標札委記名總兵丁華容爲標統南字三營編爲第六標札委儘先副將商德全爲標統新湘五旗編爲第七標札委儘先參將李雲松爲標統盛字五營編爲第八標札委儘先參將戴鶴松爲標統又奇兵左旗改編留防步隊四隊均仍歸蘇松太道節制現駐吳淞之盛字營除挑改標制外尙餘七百餘人應一營改編留防步隊四隊仍歸蘇松太道節制現駐吳淞之盛字營除挑改標制外尙餘七百餘人應改編留防步隊四隊應仍歸第八標統領兼統又護軍副四旗改編留防步隊四隊應暫歸督練公所節制另候派員兼統元字三旗改編留防步隊五隊仍委劉游擊文豹分統歸陳總兵鳳樓節制元字一旗改編留防步隊兩隊銘字馬隊三營改編留防馬隊八隊仍歸陳總兵鳳樓統帶徐防步隊三營親兵一哨改編留防步隊五隊徐防馬隊兩營改編留防馬隊二隊仍委徐州劉鎮青帥統帶分飭認真訓練務期於一年內著有成效以備練兵處 奏請 簡派大臣校閱勿稍玩忽致罹嚴誥除分別咨行外合行札飭札到該口卽便遵照勿違特札

署江督周奏遵照練兵處新章設立督練公所總理軍政摺  
奏為遵照練兵處新章設立督練公所總理軍政摺將辦理情形恭摺具陳仰祈 聖鑒事竊前承准

練兵處咨行會奏新定管制餉章一摺原奏督練制略內開各省新軍練及一協以上者應於省會設立督練公所慎選兵學諳練事理精詳各人員分任兵備參謀教練暨考校本省舊日勇營妥籌變革各事等因伏查江南為湘軍立功之地自同治初年削平大難歷任督臣皆就舊營整理彈壓地方迄今四十年舊日立功將士淪亡殆盡各營勇丁隨地招募籍貫不一以故軍律日久愈弛上年侍郎臣鐵良奉旨抽閱江南營伍按之新練諸法自多未備業將庸懦不職之統兵各員奏奉 諭旨嚴懲在案臣

抵任後考求其弊約有數端一曰經費絀一曰將才乏而其最要之端在無提綱挈領處為之督率訓練當於上年十二月遵照練兵處章程特設督練公所委道員朱恩斌辦兵備處事務道員徐紹楨辦參謀處事務其教練處事委該道等暫行兼辦以期事權統一號令易行所有一切軍制戰術操法及教育次第均責成查照新章考究編訂頒行各營遵守隨時獎勵不合酌予懲創總期信賞必罰令出惟行其舊有之營務處即行裁撤督練公所總核三處職掌兵備處略似日本之陸軍省參謀處略似日本之教育總監部事體重大端緒繁多必須分科治事各專責成庶可有條不紊日起有功復由臣督同該道等查照練兵處分設司科章程參稽東西各國軍制於兵備處分設六科曰蒐討科曰經理科曰考功科曰執法科曰兵器科曰醫務科參謀處分設四科曰運籌科曰嚮導科曰檢閱科曰測繪科教練處分設三科曰訓練科曰教育科曰編譯科其所以設科之原因各科應行之事例均逐條研究備載於冊以為辦事之標準至各科所需人員均遴選日本留學陸軍畢業生及各省武備學生充當凡候補求差各員概不錄用開辦以來已歷半載統計歷辦各事其對於各項防營則汰弱留強化為整量裁奮伍創辦徵兵現已將編立鑲標留防隊情形另摺奏報此外更於公所內附設兵事研究所聚集陸軍將校研究高等戰術以儲將才並挑選在標武官授以淺近兵學以期畧通兵事化無用為有用其餘如開辦測繪測量

### 北洋官報

二一

第七百五十一冊

軍用地圖講求路政建造軍用道路以為操兵演陣之準備復創辦憲兵為軍隊上之警察以維持軍紀均經陸續舉行略有端倪該三處經費查照章程始議兵備參謀兩處各月給銀一千五百兩教練處月給銀五百兩自五月後復因教練處需員較多如訓練一科即設有步馬砲工輜重要塞軍樂專司教練

者七員將經費一律增爲一千五百兩而兵備處用款尤大另月加銀二百兩俾資敷布所有甯垣遵照  
練兵處新章開辦督練公所分科教練情形粗具規模理合奏報立案除將分科條目抄錄清單分咨練  
兵處戶部兵部外謹恭摺陳伏乞

皇太后 皇上聖鑒訓示謹 奏奉

硃批該衙門知道欽此

演習魚雷。

江南水師學堂總辦黎桂塢觀察，稟請江督魏制軍規復魚雷功課，已奉批准。現擬定每星期內，派令學生赴草鞋峽操演魚雷一日，又每日以一小時專習魚雷功課。按草鞋峽距城約六里許，係一夾江，向有魚雷廠一所，專備學生操演之用。該堂原定課章，本有魚雷一門，嗣爲前總辦方碩輔

觀察刪去。觀近日日俄之戰，日本海軍迭次獲勝，大半爲魚雷之功效。今黎觀察之注意魚雷，稟請規復，可謂知要者已。



兩江督練公所籌防局會議開辦雷電學堂詳江督文

竊奉 憲台札據吳淞水旱雷局方牧早鳴稟稱前請江陰督師駐所擬設學堂一案業經稟奉批准飭將應備什物木器及營內操防應用溼表機器等項應需價值逐件確估迅速呈復核辦等因卑職遵奉之下當將堂內應備器具各項逐件切實估計並額設數目全年經費銀兩又學堂規制課程一併分晰開具清摺二扣呈祈察核所請學堂內現在應需各要件給價購辦至應招世職及官紳子弟來堂肄業是否由 憲台選招抑由卑職招考遵行以便開學訓練惟各學生三年考取畢業應請准予援照江南水師學堂成案分別請獎以示鼓勵而重人材整頓雷營實為保衛閭閻此營前已三興三撤虛糜經費不下盈萬累千只因前者經辦之人似不甚諳熟雷務以故所製之雷皆屬舊式即其中配用電線器具各項又屬多少不均是此次必須實力整頓庶期有濟時艱況今外侮頻仍庫帑支絀而卑職忝叨委任自當力求撙節矢志趨公冀仰副靈動籌畫廣學育才之至意並乞 奏明立案以免功廢半途再二年內除開月歲修以及學生按次考費冬天煤爐不計外通盤核算三年學堂開銷約需二萬九千九百餘金計栽培六十名學生畢業成材每人尚不及五百金之數誠無從再省也理合將以上各緣由呈乞察核是否有當伏候 訓示祇遵等情到本署部堂據此除批稟悉此案前據具稟當以江陰海軍公所能否借用經費如何籌撥札飭督練公所會同籌防局查核妥議嗣據籌防局詳稱該校擬開學堂舉動甚大所需器件應否照辦等情請示前來又經批以葉軍門不日南來併即由該局等會商妥議具復核辦各在案茲據稟稱添置器具及三年經費共計銀二萬九千九百餘兩能否設法籌撥所稱督師駐所可否借用仰候札飭督練公所會同籌防局會商妥議並候咨請葉軍門查照核復飭遵繳摺存電氣問答併發印發並咨商葉軍門查照核復飭遵外札所移會籌防局一體遵照辦理等因奉此督練公所會同籌防局查方牧稟設雷電學堂事關廣育人才原屬美善惟另招學生別開生面二年計需銀三萬兩籌防局值此費繁款細目前已覺不支將來更難逆料擬請飭就現在已有之局權為變通先行試辦徐圖推廣該學生等似可暫取三四十名并就鎮江歸併之雷營及江陰吳淞兩處原有弁目學生雷勇等不合格者酌汰數十員名備抵學堂員司學生薪費之用無庸另行籌撥該堂應需操衣器具等項擬將江陰吳淞各該局舊式各雷分別可用不可用酌定年月油漆一次無須月給擦洗經費與各台前膛舊砲同一裁節砲費辦法計該雷局等每年可省擦洗費銀一千餘兩統計三年約省銀三四千兩足抵堂內

購製各項之需至該學堂電員監督及購辦器物考挑學生肄習各節均歸葉軍門派員定章辦理較為妥善司道等公同酌議款開辦雷電學堂數條除咨請葉軍門察酌外是否有當理合繕摺具文會詳

### 北洋官報

三

第七百二十五册

仰祈 憲台鑒核批示祇遵抑司道等更有請者設立學堂重在根柢學問斷非教練營勇可比方牧所請設立雷電學堂如祇練習裝配布置演放等法自應就營勇之中挑選學習果係肄習電氣理法製造水雷則必須延聘專門教習安定章程認真辦理方有把握或附水師學堂另設一班畢業後再行赴營練習前指裝配布置演放各技藝庶幾名實相符款不虛擲似非方牧現在統帶雷營所能兼顧者也併候 鈞裁爲此呈乞照詳施行

鄂督張奏籌議訂造砲艦雷艇辦法並自行試造淺水兵輪摺

奏爲上游防務必須豫籌亟宜增加實力以備不虞謹將湖北現向日本訂造砲艦雷艇分年付價辦法恭摺具陳仰祈 聖鑒事竊照近年來時艱孔亟事變難知湖北居南北水陸之衝素爲上游重鎮自

開埠通商以後長江門戶幾已盡撤藩籬各國兵輪以護商爲名得以常年駐泊然從前各國上駛兵輪不過一、二艘尙有限制近則一國師船並駕而來者多至四、五艘甚或指定內湖地方爲操砲之事屢經向各領事商阻每以尋常游歷並無他意事屬水師無權過問爲詞任商周應近年各國更特造淺水兵輪爲游弋長江之用平日暫來暫去固已相習而安設有民教偶啓端或地方略有他故但可藉口兵輪紛來陽託保護之名陰作示威之計事多棘手措置恒難若本省自有砲艦雷艇足與相抵制外人意有所懾諸事便可和平商辦而在我亦有備無患可不受其挾制之威體察情形非多備砲艦雷艇無以爲建威消萌之計三年著艾事已嫌遲及今不圖後將無及鄂省財力本不寬舒近更認籌解京鉅款及本省練兵興學諸要政需用浩繁原有竭蹶不遑之勢然爲固圉保疆防患未然大計實不敢專顧目前自忘後患茲經臣督飭司道設法騰挪竭力撙節每歲可勻出的款五十餘萬兩以爲購造砲艦雷艇之用當以日本川崎造船廠其自造本國兵輪已著明效上年春間臣在兩江署任已與訂造長江兵輪四艘比較英德等國工價格外從廉此次回鄂復與該船廠訂造快砲艦六艘魚雷艇四艘其造成交卸之期極力商訂從速以備急需將所定船式及分年付價按年提款辦法分條縷陳如左 一現定雙機暗輪新式快砲船身通長二百英尺寬二十九英尺六寸艙深十四英尺吃水八英尺壓水重七百四十噸實馬力一千三百五十四匹折中速率每點鐘行十三海里以能容十二生口徑頭砲兩尊七生半口徑尾砲兩尊新式快機艦邊砲四尊施放時船身不受震動爲合度較江南所造船式重量加增二百二十噸馬力加增四百匹頭砲尾砲各增一門一船可得兩船之用(每英尺合上部營造尺九寸八分有奇) 一現定新式快機魚雷艇船身通長四十法尺一寸寬四法尺九寸四分艙深二法尺零五分吃水一法尺一一零壓水重九十六噸實馬力一千二百匹折中速率每點鐘行二十三海里每艇配四生七口徑快砲二尊十四英寸魚雷管三門每法尺合部營造尺二尺二寸四分) 一現定船式輕便督飭善後局與該船廠工程師詳加審酌繪有船身全圖機器全圖及另繕製造工作陳設備用各件英文詳細清單聲明務與各國同式極美備之兵輪雷艇一律無異並可由湖北選派熟悉製造工料委員駐廠監造所選材料均須經監造委員驗明許可方准配用如經委員剔退立即另選合宜材料復驗許可

然後動工以期工料精良堅實 一議明快砲艦實價除砲位砲架自備外日幣四十五萬五千元六艘  
共日幣二百七十三萬元魚雷艇實價連砲位魚雷快槍手槍彈藥等項一應在內每艘日幣三十萬元  
四艘共日幣一百二十萬元兩共日幣三百九十三萬元約折合中國庫平銀二百九十四萬七千五百  
兩此係將常例定額九五扣收船二釐五厘規及一切花銷使費革除淨盡故船價極爲核實公道 一  
議明川崎船廠承造此項砲艦雷艇自合同簽字之日起限於二十六個月內先交砲艦二艘雷艇一艘  
又九個月內交砲艦三艘雷艇三艘共三十五個月內將砲艦六艘雷艇四艘一律交清如無故逾限誤  
期另行議罰遲至四個月尙未交船可以退回不收將原價如數繳還 一議明砲艦總價日幣二百七十三萬元於三十五個  
月內分五期付清雷艇總價一百二十萬元於交後展緩兩年分四期付清此後緩付之價共計五十九  
個月按照分期應付之價酌認利息計日幣二十三萬六千六百元約折合中國庫平銀十七萬七千四  
百五十兩如能提前早付利息仍可減免 一前項快砲艦六艘魚雷艇四艘分年付價約計共合庫平  
三百十二萬四千九百五十兩查鹽道庫每年所收川淮鹽練兵新餉正雜款約計庫平銀二十三萬兩  
內外又湖北官錢局近兩年經理得法歲有盈餘不下二三十萬兩茲擬每年動撥鹽道庫練兵新餉庫  
平銀二十三萬兩官錢局盈餘庫平銀二十九萬兩兩共提撥庫平銀五十二萬兩以六年爲度共得庫  
平銀三百十二萬兩以之分期匯付前項船廠本利所差無幾 以上辦法業經議妥飭令善後局司道  
與駐漢口日本領事官永瀧久吉川崎船廠委員四本萬二訂立合同彼此簽押蓋印存案計三年之內  
湖北得有新式快砲艦六艘雷艇四艘以之布置武漢一帶江面稍足以壯聲威而資防禦若荊州以上  
則自秋末以至春初江流退落水少沙多洞庭襄河其淺尤甚非吃水極淺之船不能上駛英國前來淺  
水兵輪吃水會不足三尺此等小砲艦無論何時何地均可游弋自如我若無以相抵設有事端何所施  
其阻拒故吃水最淺之兵輪亦斷不能不備再向外洋訂購則需費更覺不貲幸湖北兵工廠現尙有能  
仿造此項淺輪之工匠茲擬自行試造數艘一種吃水三尺深者以備南浮湘水可由長沙以達衡州北入襄河可由安  
陸以達襄郡此爲巡緝內港鎮懾匪徒之用核計每艘工料價值大者不過七八萬兩小者不過二三萬

●軍歌照錄 昨由鄂友寄示張官保自撰軍歌一通照錄如左 大清深仁厚澤十餘朝 列聖相承無異舜與堯 刑罰最輕錢糧又最少 漢唐元明誰比 本朝高 愛民恤士善政說不了 我祖我父世世受恩膏 況我兵丁重餉蒙溫飽 養之千日用之在一朝 我等天性忠勇思報効 作歌奉勳軍中我同胞 我 朝龍興長白非荒渺 醫巫闔山古名經書標 三千餘里直隸便可到 不比廣西雲南萬里遙 關東三省一律奉孔教 新疆蒙古西藏設官僚 滿蒙漢人皆是黃種好 同種同結外人難動搖 以上第一段 朝廷欲將太平大局保 大帥統領遼 旨統新操 第一立志要 把 君恩報 第二功課要聽官長教 第三行軍莫把民騷擾 各軍餉銀皆是民脂膏 第四品行

北洋軍報

四

第五百五十四號

名譽要愛好 第五同軍切莫相爭啾 方今湖北文武學堂造 不比市井盡漢逞粗豪 各營之中槍隊爲最要 望牌賭準莫低亦莫高 砲隊放時須要看砲表 安放藥引須按度數標 輕砲分扛不愁路窄小 重砲車載馬拉不覺勞 馬隊自己須將馬養好 檢點蹄鐵切勿傷分毫 隨敵偵探先占地險要 我軍酣戰從旁速包抄 工程一隊技藝須靈巧 陸地築壘遇水便搭橋 榴重礮轟事事算計到 衣糧軍火缺乏不須焦 軍醫一隊用意真個好 無傷無病奏凱同還 朝 以上第二段 莫說武夫學問難通曉 外國武官學比文官高 槍砲線路須知算學妙 應敵安營先將地圖描 物理化學亦須略知道 鋼鐵漲縮拉力細推敲 無烟藥淨不比炸藥暴 槍藥砲藥白藥莫混淆 中外地理關繫尤緊要 邊疆海陸界與何國交 沿海長江共有幾千里 現造鐵路共有幾多條 東西通商各國誰大小 須看待我情誼聯外交 莫將洋人一筆全抹倒 令人謂我無異野蠻苗 以上第三段 方今五洲萬國如虎豹 倚恃強兵利械將人驕 我國文弱外人多恥笑 若不自強瓜分豈能逃 請看印度國土並非小 爲奴爲馬不得脫籠罩 請看日本國名本古老 只因無君踐踏如草茅 威控強國全球敬且畏 不羨日本之用船與砲 只羨全洲人心如漆膠 我有同種國民四百兆 何難發憤爲雄展龍韜 欲保國家須要精兵保欲保種族須聯我同胞 保國保種必須保孔教 聖門學生佩劍兼用矛 楚軍楚將從古聲名好 封侯拜相平地登雲霄 聖人在上萬年長有道 忠孝爲本方是真英豪 以上第四段 軍歌所以爲行步之節日本軍歌皆上四字緩讀每字一步至第四字略一停頓下五字急讀五字共二步

鄂督張飭營務處改編營制札

為改編營制事案准練兵處咨送 奏定陸軍營制餉章業經分別咨行在案查湖北地處長江上游鐵路交通實為南北衝要至少須練足陸軍兩鎮方足以資控制惟現在餉力未充不得不變通辦理亟應將湖北常備第一鎮全軍改照練兵處新章添練足數第二鎮暫照練兵處 奏定章程內變通制略開辦第一年營隊之數依法編練俟餉力稍裕再事擴充至兩鎮砲馬輜重各營需用驟馬及協標營隊雜項委員勇夫有可酌量裁併擢節緩設之處應飭常備軍第一鎮統領張鎮彪第二鎮護統黎協統元洪安速籌議酌擬辦法呈候核明 奏咨立案不宜再遲其營務處亦應按照練兵處 奏章內督練處制分設兵備參謀教練三處其糧餉局軍械局軍醫局即附設該處之內派員分司經理應即由處遵照章程辦理除分行外合亟札飭札到該處即便遵照分別移行安速籌議詳辦勿延此札

---

督憲袁飭天津大學堂北洋醫學堂軍醫學堂體操改用華字口令札

爲札飭事照得各國體操均用本國口令所以使人興起愛國之心所關非細中國習用外洋口令殊未  
合理亟宜改從華字口令以昭畫一除分行外合行札飭札到該堂即便遵照辦理此札

---

兵部左侍郎嚴奏運查江蘇等省營伍砲臺及武備學堂情形摺

奏為遵旨抽閱江蘇等省營伍並順查沿江砲臺及各省武備學堂情形據實覆陳恭摺仰祈

聖鑒事竊奴才於上年承准軍機大臣字寄光緒三十年七月初七日奉 上諭前有旨派員前往

江蘇等省查勘移建製造局廠事宜並查各省進出款項現在武備關緊要屢經降旨飭令各省切實

整頓痛除積習著饒良於經過省分不動聲色將營隊酌量抽查兵額是否核實操法能否合宜一切情

形據實具奏欽此欽遵仰見 朝廷篤念戎行力圖整頓之至意欽服莫名奴才當於經過江甯安徽

江西湖南湖北河南等省將就近駐紮各營詳加校閱查其中軍容整肅操法嫻熟者固屬不乏而故見

未除諸多敷衍或新操自詡備得皮毛者亦所不免至如砲臺水師武備學校或為慎固江防之舉或係

培養將才之區於戎政均有關係因順道一併逐細考查謹將校視情形分砲臺陸軍水師武備學堂四

### 北洋官報

條教為我

皇太后 皇上鑒晰陳之一砲臺江蘇省砲臺計分四路曰吳淞口曰江陰曰鎮江曰金陵第一路

吳淞口砲臺在寶山縣城南北之南石塘獅子林等處分設三臺面海負塘控制南北洋來路為由滬入

江第一重門戶形勢最為險要置前後膛大小砲位三十四尊新式者居其大半總臺官一員專臺官三

員教習司事電機測繪瞭望燈旗號令共十九名砲目勇三百八十九名分駐各臺南石塘獅子林之關

小沙背地方設水旱雷營二哨管帶一員大小官弁三十四員雷勇一百七十四名並有徐州鎮標中營

游擊戴鶴松統領南洋橫備盛字五營分紮各臺左近以資防護查該臺前面掘有深濠排釘樁木足禦

風潮砲側皆有隔堆深池滑蓋敵彈又有測遠鏡望臺以窺海中敵艦布置尚妥惟護牆陡直而薄難禦

大砲砲無護甲易受敵擊機件亦多應修置砲地基不堅施放多次一有偏欹即不能取準臺內子藥庫

高出堡角之處著彈即燬後路未設旱臺亦屬空虛難守請臺營壘距離過近敵彈若由臺上起落易為

房中離臺官翰林營都司張克讓似有嗜好不明砲理平時操練悉詢之教習砲目勇年力精壯手法尚

熟惟試以打靶多未命中是於測算諸學未經詳解之故第二路江陰砲臺在縣城東北於長江南北岸



分設砲臺兩臺依山北臺傍陸中隔江面二里航路極狹不獨防吳滋來路若敵艦由崇明縣北循白茅沙駁奔狼福此處適當其衝爲下游扼要總口南岸蘆山西山頂東山頂黃山四峯及大石灣小石灣等處置前後膛砲位二十七尊北岸天生港十圩港等處分置前後膛砲位二十尊大石灣十圩港砲位間有殘舊作廢者餘砲尙多新式總臺官一員專臺官五員英教習一名華教習二名司事測繪機匠燈旛號令共十八名砲目勇四百三十五名分駐各臺大石灣天生港附駐水旱雷一營計三哨官弁九員匠目雷勇學生二百三十六名歸吳淞小沙管帶兼轄並有江南海門營副將丁華容統領南洋續備老湖合字五營及兩江補用副將陳秉暘統領南洋續備兩字中左右三營分紮南北岸各臺後路丁華容並兼理臺務查南岸山頂砲位居高臨下擊路極寬惟臺設明處太無遮蔽左近多山若敵人攀登窺擊易有危險後路無旱臺空虛難守北岸地勢卑溼砲位較未得力總臺官江南外海水師補用千總鄭通曉英語砲理粗諳但工夫不純稍有嗜好統領丁華容略知新學於防務頗思整頓自勇操步操砲均尙熟悉南岸打靶間能命中其餘藥庫兵房位置欠妥護牆太薄機件應修與第一路略同 (未完)

兵部左侍郎鐵奏遵查江蘇等省營伍砲臺及武備學堂情形摺五百七十册

第三路鎮江五處砲臺一圖山關一東生洲一象山一都天廟圖山關東生洲據鎮江下游增設江陰來路江寬三里許兩岸夾擊極得形勢南岸圖山之大磯頭二磯頭龍山嶺等處置前後膛砲位十五尊北岸東生洲係平臺置前膛砲六尊專臺官一員教習二名司事旗號機匠電匠共十名砲目勇二百二十九名分駐各臺並有兩江補用參將徐萬福統領南洋續備新洲左後兩旗分紮防護由圖山關上駛六十餘里鎮江府城東北兩岸象山北岸都天廟中流焦山分設三臺焦山孤危鉅砲橫亘江心水勢學分由左右抄過合流下注江面僅四里餘極稱天險象山南小口新河口東西兩峯分置前後膛砲位十八尊焦山麓脚頂峯分置前後膛砲位六尊都天廟係平臺置前後膛砲位九尊總臺官留甘補用知州劉廷柱統轄全路專臺官三員英教習華教習各一名旗號機匠十三名砲目勇三百五十四名分駐各臺並有新湘中前右二旗及兩江補用副將魏榮斌統領江南武威新軍六營分紮南北岸就近防護新湘軍統領徐萬福並節制全臺查圖山關各臺後路無交通之徑彼此難以援應置砲地位間係危巖陡壁敵砲擊射山石橫飛恐鮮立足之地運道峻峻道經雨土滑陟降不便東生洲地勢平衍砲位羅列太密中無隔堆有礙同時操作兵房湫隘潮溼兵易染病目兵演試手法尙不生疏體質亦壯象山東臺

爲右旁沙嘴所阻敵艦若從下游丹徒口來不能迎擊東峯砲少西峯砲高均恐不易制敵都天廟西臺  
傾後砲彈出口必須超越東臺較有不宜東臺位置尙合猶未適當敵衝焦山下臺砲皆舊式頂峯兩快  
砲尙能擊遠命中自勇操砲手法尙靈步操體操英教習勒克里用華語教練悉合法度整齊可觀總臺  
官劉廷廷人尙明白於砲學亦略諳門徑第四路金陵城內外七處砲臺一烏龍山一幕府山一下關一  
獅子山一富貴山一清涼山一雨花臺烏龍山砲臺距省城四十餘里雄踞南岸爲鎮江上游第一要衝  
分設五臺置後膛砲快砲十二尊專臺官一員教習一名機匠燈旗號令三名砲目勇一百三十名專府  
山砲臺在北門外六里許山勢雄峻屏障右岸俯瞰江流涵蓋一切仿倣珠法依次置砲七尊迤邐未處  
山形勢較低置砲四尊專臺官一員教習一名司事機匠燈旗號令四名砲目勇一百三十名下關砲臺  
距金陵城外西北隅東西對岸各一區附近會城濱臨江瀆名都大埠習恃以爲屏蔽足扼上下游之衝  
東岸置後膛地藏砲二尊以機上下裝放便捷西岸置前膛砲八尊快砲二尊專臺官一員教習一名機  
槍燈旗機匠號令四名砲目勇一百二十九名獅子山在儀鳳門內塔頂會城西北巍然高聳枕嶺臨  
長江城垣附麗其上分設東西兩臺置後膛砲快砲八尊專臺官一員兼管富貴山清涼山雨花臺各臺  
司事燈旗機匠號令四名砲目勇九十二名富貴山在太平門內鍾山之麓踞其崇阿北聯幕府山南  
西與儀鳳門外營壘足相呼應專防會城東北陸路置後膛砲四尊連珠快砲二尊目勇四十四名幕府  
山在西門內西南隅依城爲臺背山面江兼控水陸置快砲二尊砲目勇十四名雨花臺在幕府門外東  
防東南陸路來敵置快砲二尊砲目勇十四名查金陵一路砲臺烏龍山扼下游來路幕府山下關砲臺  
省垣足禦敵人登岸復有獅子山等臺分布於內外四周防方可稱堅固惟烏龍山砲臺新式機法較舊  
幕府山西臺太低施砲時恐於東臺有礙自勇操法生熟奈半下關暗砲臺無望敵之虞機法亦舊自勇  
機法從容嫻熟頗爲壯觀獅子山砲位相距太近恐難全力迎擊自勇操法尙可富貴山東有險峻山  
設防不無缺略目勇操法尙足與下關獅子山相將清涼山藥庫建於晴嵐甚善得法目勇操法未盡善  
悉雨花臺孤懸城外防守甚難藥庫地勢太低目勇操法與清涼山相似總臺官王世綬通曉英語通曉  
機法胥知講求故其布置一切較他路稍爲優勝

(未完)

兵部左侍郎鄭燾奏運查江蘇等省營伍砲臺及武備學堂情形摺續五百七十一册  
安徽省砲臺計分四路曰東西梁山曰攔江磯曰前江口曰棋盤山第一路東西梁山砲臺在和州屬境

由下關上駛百三四十里為入碇第一重門戶兩山對峙中隔江面五六里地基尚得勢東臺置前後  
 陸砲位十四尊西臺置前後陸砲位十二尊有安徽撫標備精建前中前後三哨分駐兩臺以管帶  
 一人經理並無臺官砲勇即以步兵操砲兩臺均用以防城砲從女牆探射名曰砲臺無異營壘砲位中  
 之前膛者固屬舊式即後膛者亦係前膛改造臨敵萬不能適用第二路攔江磯砲臺距安慶省城四十  
 餘里臺設西岸江面極狹置前後陸砲位十五尊其式與東西梁山略同安徽備步隊中營駐紮此處  
 目勇老弱者甚多不知操砲即步操亦欠整齊其廢弛亦可概見第三路前江口砲臺在攔江磯上游十  
 餘里據東岸高早設上下兩臺置前後陸砲車砲十二尊由額備中營撥兵分紮上臺就山形布作圓式  
 與下臺聲氣聯絡惟置砲處所上覆尖頂錫棚易引敵目其餘與下游同第四路安慶東門外棋盤山砲

臺設北岸固以土圍右跨城垣左臨曠野平地建築地勢甚不合宜置大小前後陸砲六十八尊本屬  
 無用續備步軍前營駐紮此處官兵難語強壯查該臺前面江水既寬且深隨處皆可偷渡臺基太低不  
 克居高擊遠省垣要地此等砲臺未可恃以無恐江西省砲臺計分四路曰馬當磯曰湖口曰金雞坡曰  
 岳陽門第一路馬當磯砲臺在彭澤縣城東三十餘里為由皖達贛門戶臺設南岸山勢峻直正對骨牌  
 洲水路極狹踞山之高處分設五臺置大小快砲五尊均有護砲甲正副臺官各一員燈旗號手二名砲  
 目勇六十名官係學堂出身日勇操法甚熟廣饒九南道瑞徵充統轄官經理各路臺務資該臺山勢陡  
 直徑兩難登骨牌洲突出江心若水漲時敵艦纒依北岸駛過此處砲小力恐不及且有一砲設於峭壁  
 之下頗不合宜兼之護砲各房建於明地尤易致敵遠擊第二路湖口砲臺在縣城北門外石鐘山側地  
 當鄱湖口門東岸武曲港西岸梅花洲分設二臺可收夾擊之效置前後陸砲位共十尊正副臺官各一  
 員官旗號手共五名砲目兵七十一名西臺建於梅花洲上水漲恐致淹浸難稱得勢兩臺砲位牛屬  
 舊式動轉欠靈砲屋過老經砲震動易致傾圮惟日勇步操尚純熟可觀第三路金雞坡砲臺在九江府  
 城東十里距縣兩岸高旱地勢宏敞基尚堅固東西北三臺置前後陸砲位十二尊總臺兼正臺官都司  
 銜升用守備黃仲則副臺官一員軍械糧餉教習共六員官旗號手機匠德書風共六名砲目勇三十二  
 名護臺砲目勇一百五十四名查該臺砲位機件間有不全日勇操砲尚熟官弁亦尚精壯第四路岳陽  
 門砲臺在九江府東門外分上下兩臺沿岸建築與金雞坡銜接一氣分置前後陸砲位二十一尊舊式  
 者居多正副臺官一員官旗號手共五名砲目勇七十一名砲操手法尚熟查江西各路砲臺經該道瑞  
 濂接核後稟請該撫力加整頓並調學堂出身者數人派充臺官教習但地勢砲位不盡合宜官兵操防  
 應稱熟悉惟於用砲之法尙欠講求然較之皖省實覺勝強數倍湖北省砲臺祇田家鎮一路分中南北  
 三臺中曰吳王廟南曰牛壁山北曰馮家山舊置土鑄銅鐵砲及洋砲共三十六尊查該處地居上游本

非衝要砲臺法甚舊久已作廢除土砲業爲棄物外其後臉洋砲數尊尙屬堪用現僅有哨官一員帶  
領日勇五十名分駐看守 一陸軍江蘇省駐紮蘇州省之撫標續備軍分中後兩營每營官弁勇夫

測澤官報

第五百七十二

百零六員名初係蘇防營光緒二十八年正月改編今名又親兵一營官弁勇夫五百十八員名初係  
吳小謙同治八年添募成營亦於二十八年一併改編今名江蘇候補道松峻充全軍統領尙有左右前  
三營分紮黃浦震澤宜興等處未經調練中後兩營及親兵一營除守營患病外計到操兵共五百六十  
八名所用槍枝新舊毛瑟各半應備背包水壺彈袋欵鏢等項均未購備練習德操不及程度兵丁年老  
及有嗜好者居其大半裝束雖係短衣草帽而各營不一且多襁褓一切身法槍法步法轉法種種不合  
不堪枚舉統領松峻因病未到蓋營哨各官半係出身行伍於武備夙未講求毫無嚴肅氣象又駐紮蘇  
州省城內外之巡警軍分左右兩營每營官弁勇夫三百二十三員名初係練軍二十八年正月改編今  
名除守營患病外計到操兵三百八十餘名所有槍枝及一切操法與續備軍略同而糜弛過之查該軍  
係由制兵改練官長係綠營人員兼充只聽巡警之名毫無實際江南省駐紮吳淞砲臺後路之兩洋關  
備軍分中前左右後五營每營官弁勇夫五百十員名初名慶軍後改淞防營二十六名二月改稱今  
名并用制將徐州鎮標中營遊擊戴鶴松充全軍統領除守營患病外計到操兵一千六百七十名步兵  
用毛瑟槍一切應備零件未備練習德操身法槍法步法轉法及軍容軍服雖不盡合度然較之蘇營頗  
稱壯觀中營所操兩磅子車砲揀拭尙屬光潔間有解拆卸各法者惟於瞄準及用砲之理官長多未講  
求各營出演行陣攻守皆不得法亦不能擇占地勢官兵打靶命中者甚少查該軍兵丁強壯饒有武力  
惟平時操練專恃教習指授營哨各官半係營勇出身不解新操此各軍通病不止一處爲然統領戴鶴  
松人尙精神於新學亦少有體會

兵部左侍郎耶繼奏遵查江蘇等省營伍砲臺及武備學堂情形摺五百七十二册

宋志

又駐紮江陰砲臺後路之南洋續備老湘合字軍分中前左右後五營每營官弁勇夫四百九十七員名  
初名老湘合字營二十六年改稱今名提督銜江南海門營副將丁華容充全軍統領除守營患病外計  
到操兵一千四百名用老毛瑟槍應備刺刀背包等項未備練習德操身法槍法步法轉法均不合度化  
排行列不勻軍服尙係一律購準時大半不識表尺受令後間有交頭接耳者陣式泥於方城等舊法不  
諳數陣惟奔槍體操尙屬整齊另有兩磅子車砲每營分出四棚演練揀拭雖不光潔拆卸尙屬靈便查

兵丁老壯泰半官長僅能隨行操演并不能發口令教習口令復多錯亂且有染嗜好者亦非學堂出身宜平士氣不能振作統領丁華容軀幹英挺曾經出洋多次粗解兵學亦能乘騎發令惟其次官長教育

### 北洋官報

第五百七十三號

均不得力以致難有起色又駐紮江陰砲臺後路之南洋續備南字中左右三營每營官弁兵勇五百十員名原係十一營二十一年裁撤八營二十六年改稱今名總兵銜兩江補用副將陳東暘充各營統領右營之中左右三哨分防常州未經調操其左右兩營及右營前後兩哨計到操兵七百二十名軍容軍服軍器軍紀及一切操法與合字營略同而官長舊習尤重教習口令較好統領陳東暘人尚精神惟於新操全不諳悉又駐紮鎮江砲臺後路之南洋續備新湘五旗官弁勇夫二百八十九員名初名新湘二十六年改稱今名兩江補用參將徐萬福充各旗統領左旗因雨未經校閱當在東生洲看視後旗操法除守營患病外計到操官兵一百八十七員名用老毛瑟槍鏽蝕殘壞衣靴亦不整齊官無佩刀兵無皮帶以布束於腰際子彈盛以布袋掛於項上種種情形不堪入目兵丁體質強壯者尚不及半操法亦太生疏復於鎮江看視中前右三旗計到操兵四百五十名軍容操法廢弛情形一如後旗統領徐萬福委靡不振於操法茫然不知且不常川駐營殊不稱職前署兩江總督端方業將該員撤差另委參將李雲松接統又駐紮鎮江府城左近之南洋武威新軍分中前左右後步隊五營副中砲隊一營每營官弁兵勇五百十二員名三十年正月招募成軍總兵銜留江補用副將魏榮斌充全軍統領除守營患病外計到操官兵一千八百九十六名步隊用比國快槍化排時統領魏榮斌乘騎前行不知操法兵丁行步舉槍不合操章以致散亂無序其步法轉法砲跳裝放刺槍體操各式略具形式瞄準時兵多不識表尺且有鏽滯不能起落者砲隊所用兩磅子過山砲三磅子快砲目兵不盡能拆卸亦不知零件名目查該軍成營未久半係新兵體質尙均壯健官長亦尙精神惟能發口令者尙少全恃教習教練統領魏榮斌身弱多病嗜好甚深聞平日不到操場且有空額情事營務廢弛不爲衆將推服前署兩江總督端方已將該員撤差另委參將魏炳魁接統又駐紮鎮江府城外之京口駐防常備軍一營計官兵五百零八員名

右翼協領薩隆充管帶歸京口副都統節制二十六年十二月成營除守營患病外計到操兵四百八十二名用老毛瑟槍應佩零件未備練習德操軍裝係號衣纏帽不甚整齊兵丁體質尙壯操法生疏幾致不成行列軍容軍律更無論矣以什長一人發口令隨有外約教習一名默不作聲儼同虛設雖係武備出身然考其教法甚屬平常查該營編練將近四年官長均拔自旗屬不能新操所謂教習又復有名無實宜其廢弛一至於此當即商之副都統奇克伸布嗣後務擇上等教習厚其薪資將官長中之合格者加之操練其不合格者撤去另補必官盡知操然後始能教兵庶幾日有起色復查該軍正兵內有在該副都統署中充當差站者殊屬違章已令全數歸營不得役使正兵又京口駐防額備軍一營制與常備軍同以左翼協領延浩充管帶二十八年三月成營衣備器械軍容操法一如常備軍而廢弛尤甚此外尙有巡警一營因係彈壓地方未經調閱又駐紮儀徵縣境之南洋額備奇兵左旗尙有右旗駐紮上海縣一帶彙護製造局未經調閱左旗官弁勇夫三百二十五員名光緒十年成營近改南洋額備軍除分防及守營患病外計到操兵六十餘名用老毛瑟槍應佩零件未備習東洋操軍容軍裝均欠整齊舞槍體操毫無勇氣蓋由官長夙不講求操法故舉無足觀又駐紮金陵省城之南洋常備右軍分一二三四右後步隊六營砲馬工程各一營步隊一二三四營每營官弁兵夫二百二十三員名右後兩營每營官弁兵夫五百零六員名砲隊三百九十七員名馬隊一百五十二員馬一百二十五匹工程隊四百二十二員名砲馬隊三十年改練步工隊三十年七月改練兩江補用副將陳煦亮充全軍統領除守營患病外計步砲馬工共到操兵一千二百三十餘名用與國曼利夏鎗刺刀彈盒背包水壺等項俱備步隊習日德操法官兵尙屬強壯軍服亦均整潔惟化排時兵丁轉折疾徐互有出入步伐亦過遲緩操散隊官長不知率領之法兵亦不知自尋地段遲延推諉強曳成行左顧右盼語言嘈雜站跪臥各

### 北洋官報

第五百七十三號

項擊法高下不一歸隊時有托槍者有挾槍者皆於軍律不合砲隊用兩磅子哈乞開斯砲一磅子快砲大小不一鳥亦雜色隨砲子藥軍祇有數輛且不齊全官兵體質尙好惟皆不諳表尺亦不知砲件數目及拆卸各法

(未完)

兵部左侍郎鐵奏遵查江蘇等省營伍砲臺及武備學堂情形摺稿五百七十三册  
 管帶葉天厓年老而庸發令購準高低未能合度砲馬亦驚跳不安其為新備無疑馬隊兵尙強壯化排  
 不成行列且亦不知陣式環繞多次遂作中止步走時哨長有落後者馬毛色夾雜疲瘦者多工程隊站  
 列一隅據云不能步操是蓋誤認工程之名以為專事工作而不知尙有他事且溝壘橋梁等學亦不講  
 求該軍於省城東門外演試行軍多未合法其右後兩營操法尙不及此查該軍雖係新營然皆舊兵改  
 編故習仍存統領陳煦亮年力精壯器宇尙好於新操雖不甚明晰尙肯用心已屬其加意教練俾期改  
 觀又駐紮金陵下關雨花臺等處之南洋緞備護軍分左右前後四旗每旗官弁勇夫二百九十員名二  
 十六年閏八月成軍提督銜總兵羅吉亮充全軍統領除守營患病外計到操兵六百零八名習日本操  
 用比國快槍佩有刺刀皮盒等件官兵老弱者居半其年壯者亦皆不諳操法所設教習皆係自強軍目

北洋官報

第五百七十五號

勇并無學堂出身者官長教習任意粉飾與他軍歧異操法欹斜錯落殊欠整齊購準不識表尺者甚多  
 前旗管帶李清貴素不知操訓練時擅離隊伍赴演武廳後坐息聞調倉皇而至左手舉刀右探刀鞘不  
 知所措管帶為一營表率愚謬至此難期得力當飭將該管帶開差示儆統領羅吉亮平日既廢弛營務  
 臨操又託病不到前署兩江總督端方業將該統領撤差另委營務處候補道朱恩徽接統又駐紮金陵  
 下關之江南武威新軍分左右翼兩旗官弁勇夫二百八十九員名總辦武備學堂候補道陶森甲兼充  
 統領除守營患病外計到操兵四百十名用毛瑟槍隨有刺刀彈盒等件習日本操各兵皆皖北人著灰  
 色軍衣所操大隊進退轉折尙屬熟悉散隊擊多未如式頭目領排不持軍器官弁領隊尙為得法兵  
 丁亦能拆卸槍件惟操時未久輒至喘息蓋係力弱之故又駐紮旗營之江甯駐防常備續備各一營每  
 營官兵五百零八員名常備係二十六年正月成營續備係二十九年二月由常備續銳營改歸江甯將  
 軍節制除守營患病外計到操兵各三百六十名用格於斯舊式槍隨有刺刀彈盒每營中有砲隊一哨  
 用一磅子輕快砲兩磅子克鹿卜砲均習德操衣帽與京口兵同軍衣多未扣鈕不合身者甚多操靴新  
 舊式樣不一軍械半屬鑄置官長佩刀各異多係自備另有差委數人皆手持馬鐮入伍隨行兵丁強弱  
 參半官長不諳操法教習亦皆無學問步操化排時前後相距祇三四步其餘身法槍法步法轉法多  
 不如式購準不諳表尺且有起落不靈者操砲時哨官驟令放砲不先購準於理未合體操亦不及程度  
 查該兩營兵丁加以洵汰尙屬可用惟官長於兵事太欠講求故無起色已由江甯將軍永隆等將年老

官長更換數員並由前署總督端方酌撥新式槍砲俾期認真操練 安徽省駐紮省城之常備軍分前  
後左右四營每營官弁勇夫五百零五員名三十年三月成軍按察使濮子澹充全軍統領除守營患病  
外計到操兵一千五百六十五名用老毛瑟來復槍兩種礮法兼探德日所長軍服長短不一槍枝鑄濶  
者甚多背包水壺等件未備化排不成正角前後距離或遠或近操法多未如式操散隊時官長不向前  
率領衝鋒時走便步皆不合戰理惟兵勇強壯者居其大半惜官長不盡知操教習又未能得人統領臬  
司濮子澹經理雖極認真究以責任臬司兼辦此事似有未宜又駐紮省城及攔江磯前江口各砲臺之  
安徽續備軍步隊中前左右四營每營官弁勇夫二百八十六員名馬隊一營官弁勇夫一百二十八員  
名戰馬一百一十三匹三十年四月成軍總兵費金組充全軍統領用老毛瑟槍應佩零件未備習德國操步  
兵老弱者居多軍服既不整齊軍械復多鏽濶馬隊號衣戰裙均極殘舊人老馬疲廢弛殊甚統領費金  
組身弱多病聞自奉委後久未到營一切操法均未諸悉難勝統領之任又駐紮省城北門外之武備學  
堂練軍分左右兩隊官弁兵夫三百七十四員名武備學堂提調丁憂安徽特用知縣譚學衡兼充統帶  
管帶哨官等均係學堂教習學生兼充三十年二月成軍兵士皆選身材合格年少識字者尤當且多官  
紳子弟長江水師提督程文炳之子亦在其中用鄂造小口徑毛瑟槍備有刺刀彈盒等件除守營患病  
外計到操兵二百六十一名軍服合式操靴上布下皮能履泥淖槍枝精潔裝束鮮明軍容肅端安詳身  
法操法槍法單人小隊中隊大隊及散操砲隊秩然有序兵房亦高敞光潔便於居處每日尚有內堂功  
課訓練兼施亦臻精美查該軍成營未久進步甚速固由於官兵均知向學亦係統帶譚學衡認真教練  
勞瘁不辭故能致此又駐紮蕪湖之安徽常備武衛副中營官弁勇夫二百八十八員名又駐紮蕪湖及  
東西梁山砲臺之續備精健前左右三營每營官兵勇夫二百零三員名均於二十七年十二月改編成  
營福山鎮總兵李定明充各營統領兩江補用副將李振標充幫統所用槍枝種類不一均係舊式習德  
國操軍容軍服極不壯觀兵丁老弱者居半點驗時號兵與正兵雜處散隊後倒荷槍枝喧鬧震耳軍紀  
異常懈弛統領官長於新操茫無閱歷教習亦近濫竽蕪湖為通商鉅埠似此營伍不特不足以備緩急  
且恐為外人訕笑

(未完)

兵部左侍郎鄭鐵奏運查江蘇等省營伍砲臺及武備學堂情形摺五百七十五冊

江西省駐紮九江府之常備前軍分一二三四五營每營官弁勇夫二百九十八員名廣饒九南道瑞  
徵充全軍統領二十九年十二月三十年二月先後成營第二營因派赴樂平縣剿匪暫令駐紮其餘四



營除守營患病外計到操兵六百二十四名操法兼採德日所長用五響毛瑟槍擦拭光潔隨有皮帶刺刀彈盒等件軍服一律長短合度官兵精壯動作有禮所操小隊大隊散隊身法步法槍法變排陣準雖未盡合法度然皆勇往精神舞槍體操亦稱熟悉查該軍成營甫逾半年統領瑞徵督率訓練尙能認真官長多係學堂出身亦能相助爲理 湖南省駐紮省城南門外之常備湘威中左右三旗每旗官弁勇夫三百五十九員名三十年八月十月先後成營提督顏瓊林充全旗統領左旗係新兵未經列操中右兩旗除守營患病外計到操兵五百二十八名用老毛瑟槍隨有刺刀惟彈子盛以綫袋斜掛胸背仍是舊態軍服尙一律兵勇有赤足者有著草鞋者官長衣袖長或過膝操法兼採德日所長一切均未如式查該軍甫經成營兵丁尙皆強壯惟官長不盡知操教未易見效統領顏瓊林身體尙德略知操防教練未能得法又駐紮省城各門之常備軍銳字第一二二三旗每旗官弁勇夫三百五十八員名三十年十月成軍補用總兵謝典禮充全軍統領除守營患病外計到操兵八百六十四名所用槍枝九響毛瑟單響毛瑟前膛來復不等兼習德日兩國操法一切與湘威旗略同頭目均係執旗手無軍器腰不束帶於理不合查統領謝典禮強壯樸實毫無習氣官長目兵亦多勇力惟於新操太欠講求雖係成營未久若如此教練恐以後難望精進又駐紮省城之常備軍定字第三旗官弁勇夫三百五十五員名二十八年十一月成軍補用都司楊通瀛充督帶官第一旗調赴廣西第二旗駐紮對岸營盤嶺未經調閱第三旗到操兵二百四十名用老毛瑟槍佩件不全其軍容軍服與湘威及銳字等旗相似督帶楊通瀛身體強壯惟專事奔走操防茫然不稱督帶之職又駐紮省城南門外之常備軍武字第一旗官弁勇夫三百五十五員名三十年十月成軍已革副將徐恒山充督帶官尙有二三四五等旗駐紮常衡兩屬未經調閱第一旗到操兵一百九十四名用小口徑毛瑟槍佩有刺刀觀其外表似與他軍相等惟官長尙屬精壯 湖北省駐紮省城之常備軍分爲第一第二兩鎮每鎮馬步兵兩協每協分一二三三旗每旗分甲乙丙丁四營又每鎮附砲兵甲乙丙三營騎兵甲乙二營工程輜重各一營現在兩鎮僅有左協其右協均未招募騎兵僅募一營兩鎮官弁兵工現共一萬一千四百八十九員名馬二千一百八十八匹此係減練辦法各營兵丁有係三十年八月由左右翼改編者有係十月新募成軍者總兵張彪充第一鎮鎮統兼左協協統游擊黎元洪充第二鎮左協協統兼護鎮統除守營患病外計到操官兵一萬零五百十八員名所用槍砲多係漢廠製造馬槍間有用德製者佩帶零件如荷包食袋水壺鐵鏟雨衣襪皮靴等項應有儘有操法兼採德日所長步兵單人小隊大隊散隊身法隊法槍法手法一切如式間

有小疵不足爲累砲兵所操各砲極爲光潔上下砲機亦稱捷速且各能自識職守惟臨陣未能一律合度騎兵操縱轉折奮途衝鋒及擊刺各法秩然有序馬匹亦壯惟嫌白色稍多工程兵於應盡責任頗知講求步操甚整惟輜重隊器具尚未全備各營體操亦孔武有力兵房高敞潔淨經用各物均有一定位置有條不紊查該軍兵丁新陳相間編練未久軍容煥耀已壯觀瞻洵可爲沿江各營伍之冠詳加簡閱操法雖未能絲絲入扣然官長均係出洋或武備畢業學生兵丁識字者甚多將來可望漸成勁旅惟所

### 北洋官報

第五百七十六號

操行軍布置未盡周密攻守亦欠講求再該軍官兵滿漢並用內有官二十餘員兵八百餘名皆係荆州駐防其餘兵工廠及護鐵路各軍隊亦皆一律精壯

兵部左侍郎鐵奏遵查江蘇等省營伍砲臺及武備學堂情形摺稿五百七十六册

(未完)

河南省駐紮省城之常備軍分左右兩翼左翼步隊中左右三營隨砲隊一營右翼步隊中左右三營隨馬步一營共砲馬隊八營全軍官弁兵夫四千六百七十員名馬二百六十一匹右翼步隊三營係二十九年閏五月成營左翼步隊三營係三十年二月成營砲馬隊均於三十年九月成營江蘇補用道袁世廉充全軍翼長補用副將王佩蘭充左翼分統兼帶砲隊補用參將楊榮泰充右翼分統兼帶馬隊除守營患病外計到操兵二千一百四十三名步隊用十響毛瑟槍隨有刺刀彈盒等件砲隊用兩磅子鋼砲三生七快砲五生七快砲三種馬隊用毛瑟槍習德日相參操法官兵強壯軍容整齊步隊操法雖不無小疵大致頗稱壯觀馬砲隊未能整齊兵係新募現僅練習步操於砲學尙未諳悉砲位種類不一似有未宜馬隊毛色夾雜且係新兵操練尙欠工夫查該軍係分次招募而成尙未能一律精進翼長袁世廉分統王佩蘭楊榮泰均能實心任事勞瘁不辭當可日見起色惟所頒行軍尙欠講求又分統城內八隅之巡警兵一營共官弁勇夫六百七十三員名三十年正月成營候補道吳對充總辦隨川汛把總王鑣充管帶官除巡街守營外計到操兵二百九十四名用哈乞開斯新毛瑟兩種槍枝習德日相參操法官

### 北洋官報

第五百七十七號

兵雄壯軍容一切與常備軍隊略同查巡警係爲彈壓地方而設其陸操復能勤加教練整齊可觀自堪嘉尚又駐紮省城之撫標練軍馬隊合營計步隊四哨馬隊一哨共官弁兵夫四百五十員名馬五十五匹

同治十二年添練中軍參將文赫充統帶官除守營患病外計到操兵二百七十八名步隊用十響毛瑟槍馬隊用馬快槍習德國操法官兵壯者居多惟所著操衣操帽均係洋式與他營殊欠一律操作各法亦皆如常巡警等營尙稱不弱又河南駐防兵額設城守尉一員佐領十員防禦十員驍騎校十員隨印筆帖式一員領催八十名馬甲七百二十名步甲一百名匠役二十名共官兵九百五十二員名外雲騎尉十員恩騎尉一員六品廕生一員均歸城守尉管理一切操法均係舊式所用抬槍鳥槍火砲長式弓箭等項演習八卦等陣殊欠整齊官員習染甚深兵丁老弱參半到操兵數亦多不實操法紀律毫未講求廢弛已甚該城守尉志明年老糊塗萎靡不振雖在任有年難稱得力已由撫臣陳夔龍設法整頓以期精進 一水師按長江水師提督所轄四鎮曰江南之瓜州鎮江西之湖口鎮湖北之漢陽鎮湖南之岳州鎮提督駐紮安徽太平府居中調度管轄五省江面上下五千餘里每鎮總兵一員提鎮五標五標副將五員參將七員遊擊十員五標營部司共四十四員守備四十三員千總一百五十八員把總一百九十五弁外委二百六十八弁共七百三十五弁員額設舵兵七百十八名頭兵七百十八名船兵四十四名砲兵一千五百二十四名營兵六千零四十八名親兵二百八十名稿書一百名書識六百四十七名共兵書一萬零七十九名額設督陣舢板三十二號每號配兵十六名左右哨長龍戰船四百四十二號每號配兵十九名左右哨無兵舢板四十四號如遇差操巡防則由長龍船撥兵駕駛舢板戰船六百四十二號每號配兵十二名額添飛划巡船六百四十三號隨同各汛舢板以便巡江放哨之用共計舢板戰船七百六十二號飛划巡船六百四十二號除各守營汛未經調集不計外奴才行至江西查閱湖口鎮操該鎮所屬中營安慶吳城華陽四營到操戰船四十號督陣舢板一號戰船每號配兵十二名哨官一員船頭尾各置前膛老砲一尊左右置前膛老槍一具督陣舢板配兵十六名指揮官一員旗幟號衣雖係陳式尙鮮明耀日共演八陣砲聲尙屬聯絡惟械老陣舊習氣甚深調閱操法其進退分合尙能裕如但水師兵丁能赴水者不多船駛過遲風定溜平每點鐘僅可行十餘里稍遇風浪即須停泊難稱得力此外各鎮沿途查看大致與湖口略同惟官兵精壯稍遜

(未完)

兵部左侍郎鐵奏遵查江蘇等省營伍砲臺及武備學堂情形摺 續五百七十七册

一武備學堂 江蘇省武備學堂在盤門外半里許光緒二十七年七月由各營挑選識字勇丁四十名入堂肄業為正課生初名營學堂後改武備學堂二十八年二月復選募官紳世家子弟以及文武舉貢生監四十名為副課生分兩班教練咨調江南陸師學堂畢業生四名派充教習內堂課以戰法地勢軍械測繪算學營壘漢文等門外場教以操槍操砲柔軟體操器械操打靶行軍諸門三年卒業總辦一員以候補道松峻充之提調文案等共六員一切辦法仿照江南陸師學堂章程倘有次第講堂齊舍亦尙整齊惟內堂功課程度尙淺外場步法槍法均欠整肅教操瞄準未能合度拆卸砲件亦不熟悉查該堂開辦有日課程多未及格良由教習不得其人亦由總辦提調不能勝任之故 江南省將備學堂在江甯省城昭忠祠內借地開辦另建新堂在小營地方尙未落成二十九年十二月開堂學生由各營旗挑選官兵送入仍食原餉正額二百四十名附課十名以一年為卒業日本總副教習各一員各項華教習十一員總辦一員候補道陶森甲會辦一員補用道席殿驛提調文案等共七員查該堂開辦未久內

北洋官報

第五百七十八號

堂外場功課程度頗淺其各營旗送入官弁在三十五歲以上而羸弱殘居其半年少各生尙皆英銳各教習均能勤懇將事日久當有起色惜堂規稍鬆均存見好之習於學生去取辦理未能認真陸師學堂在儀鳳門內三牌樓和會街二十二年十月開辦分陸師普通侍衛為三堂陸師學生八十名普通學生一百名侍衛二十一名洋教習二員各項華教習十三員總辦一員候補道羅長壽監督提調監院繆譯等共十七員內堂課以兵法繪圖輿地地勢軍器歷史營壘算學測量工程人倫道德漢文英文德文東文等門分年教授外場教以步操打靶砲操體操馬操等門以三年為卒業陸師學生分甲乙兩班甲班德教習特屯和恩授課詢其戰法陣法對答未能詳明乙班德教習漢斯瑪授課所習軍械學各生於聽講後不復默錄一過恐記憶難真普通學生造詣尙淺算法止學至平方餘亦平步操砲操大致可觀惟疲累處尙多查該堂創立已久一切規模足稱完備但所習課程未能精密以致卒業各生派至各軍多未得力緣歷任總辦均於此道未嘗學問故致如此水師學堂在儀鳳門內光緒十六年九月開辦分駕駛管輪兩門每門學生四十名洋教習一員駕駛管輪升桅漢文體操洋文各教習共十一員總辦一

員候補道黎錦彝提調文案等共六員內堂課以洋文天文與地海圖漢文算學水力及製造汽鍋汽機各法附有魚雷一營光緒十八年閏六月開辦員司書吏十二員名雷艇四艘泊於下關草鞋峽江面每艘官弁四員舵工管油升火雷兵水手夫役各二十五名歸該堂總辦兼理平日演練魚雷用法水師學生分頭二三三班以六年為卒業除肄習內堂功課外並擬派附兵輪巡歷各洋海口為練習風沙水機之用查該堂立法甚善規模已極宏敞學生敏捷英武者居多惟教法太舊堂規鬆懈以致學生入學數年尚未登舟演習且查堂內小機器廠屋內塵垢積滿不似逐日操作氣象所存新舊魚雷多碰傷者辦理殊欠認真 安徽省武備學堂在安慶府省城北門外光緒二十五年四月開辦額設學生八十名新增二十名洋教習二員華教習六員提調兼練軍統領丁憂安徽試用知縣譚學衡委員五員內堂課以養兵秘訣步兵操典槍枝保存法體操教範數學世界地理及衛生測繪戰術營壘兵棋等門外場教以步操槍操柔軟體操器械操擲行軍打靶劍術等門均分年教授以三年為卒業查該學生年少質美習氣毫無且動作嫻雅彬彬有禮布列兵棋所擬方略攻守各見心思外場各項操法亦皆精美該堂提調譚學衡辦理得法其大隊操法即係自發口令進退分合秩然有序且勤懇耐勞素為學堂教習所稱係書院改建局勢未宏人數無多款項不裕自應設法擴充 湖南省武備學堂在長沙府省城小吳門外光緒二十九年四月開辦學生定額一百名由本省俊秀內選取附以目兵學營二十九年九月開辦學生定額一百五十名由本省各營內選拔武備教習職員二十名目兵隊長教習九名除放年假及有事故不計外兩項共到堂學生目兵一百零八名補用道俞明頤充該堂總辦內堂課以武備普通各門因建設未久程度尚未深造外場操法軍裝整備士有武氣查該堂自總辦以下員司無多事權既專經費亦省若再能於內堂功課認真講求必有進益

降爲散勇連申全槍十次並步伐號令各樣武藝均係出色什長記名按序提作哨官有缺卽補再能約束整齊有膽有識於軍謀地勢均有會心爲衆人所難能者卽不次超擢升爲管帶如身臨戰陣建立功勛卽以次遞升督帶分統現在武科已停材武有志之士由此奮興何難立遊榮顯該弁勇等其共勉之

## 北洋官報

一一

第三百七十三册

一各省防營管帶往往得自營求先既賄託多端得差後復歲時饋獻當道以及大小各衙門人等或指索名糧空額或挾薦文案收支種種花銷自不得不缺額以爲取償之地滇省近日尙無此弊各管帶尤當激發天良實力整頓如再缺額蝕餉假捏欺飾及敷衍因循懈弛操防卽當遵照營次 諭旨照例嚴參懲辦倘本署及各該衙門同處並兼轄武員人等有挾勢勒薦及要索空糧當差各名目許該管帶指名稟訐仍將該管帶記功如甘心徇隱必其本多弊混有被人挾制之處一經查出一併撤究現在時勢日棘餉益難得該將領等務宜感發奮興實事求是庶幾日卽精強以固邊疆而禦外侮有厚望焉

光緒三十年六月二十四日奉

硃批覽欽此

署漢督丁奏整別防營積弊派弁教練新操擬定章程摺

奏爲整別防營積弊派弁教練新操以求精強而裨實用恭摺仰祈 聖鑒事竊維防營積弊日甚一日非隨時整飭更無以備緩急之用查滇省各營哨弁向歸營務處派充其營官之不肯者或尙不無顧忌弊端雖未能盡絕時因有所牽制未敢肆行嗣乃藉口哨弁非自揀派呼應不靈改由各營官自行選弁竄委意以謂可收臂指之益實則通同一氣祇便私圖缺額餉項屬請託皆視若固然毫無忌憚及遇差操則紛紛雇人頂替中軀與否合格與否漠然不關於心雖記過申飭敷衍如昔愈玩操防種種欺飾實與綠營積習無異設遇戰事其何以堪前年廣南販普之役各營兵勇聞警輒逃良有以也臣廉得其情特爲明定章程與該員弁更始期於耳目心志煥然一新並飭營務處於武備新操兩學堂考選熟習測量鎗法較準之員生每營委往一名充當哨弁衆令教習新操將該營原派之弁撤去一名即飭該員生認真稽查教練務令人皆足數日即精銳斷不許通同舞弊此後各營哨弁非諳熟新操不准濫等充數如該管帶等或以非其親隨故與爲難該哨長教習等或恃由省委挾制把持仍由臣不時遴委廉正之員分往密查聞見既確卽當欽遵歷奉 諭旨嚴恭究辦律以軍法總期實事求是力祛錮習以

北洋官報

頁一七十三

仰副 聖主憐念邊陲整飭戎行之至意所有現定新章八條相應繕具清單恭呈 御覽除分繳

飭遵並咨練兵處兵部查照外謹會同雲南巡撫臣林紹年恭摺具陳伏乞

皇太后 皇上聖鑒訓示謹 奏奉 硃批所擬新章尙能整頓積弊練兵處兵部知道單併發欽

此

謹將整頓滇省防營派弁教練新操章程八條繕具清單恭呈 御覽 計開 一查從前各營哨長

每營四弁由營務處委往二弁各營短額扣餉尙慮被其計較自哨長全由各營稟委其管帶之潔已從

公者雖不乏人而哨長半多私人上下聯爲一氣遂致缺額餉項總毫無近來疊奉 諭旨改習新

操各營擅於煩難舊習因循並不操練尤非整飭戎行力圖自強之道應卽通飭各營先將自委之哨弁

撤退一員另由武備新操兩學堂將考列高等員生每營暫且派往一名充當哨長兼充教習俾得訓練

新操以求進步該營各哨長如肯一體演習步伐號令嫻熟槍法有準即可各教各哨否則各哨均由該教習輪流教練以歸劃一如營哨各官懈怠操防通同缺蝕許該習教徑行稟揭倘該哨長教習或因由省派往藉故挾制於調度餉項妄侵管帶之權及另有不法或怠於教練查實重懲並准該管帶稟明款蹟撤回另換惟該管帶不得以非其私人先在意見故與爲難以及恣存兒奸串通一氣查實亦即撤究

一武備新操員生均有定額經費支絀自難格外加增惟該員生既可充各營哨弁各在營教練有效或預軍事有功即可拔作管帶有此出路趨之者必多擬此後額外員生但有自備資斧來堂學習者不必定額如功課分數槍砲準頭均能出色及格者不必定在本堂升補止額即准充哨長或哨官有戰功而又練習合格者即超委管帶但來學人等必查籍洋煙嗜好各項劣蹟年力強壯志切上進者方准收錄如意存僥倖學不卒業亦即照章黜退罰懲以杜流弊

一營哨各官均須全習新操槍砲有準方能得力俟武備新操員生逐漸加多功課及格堪勝哨長教習之任即將各營哨長一律更換倘各營管帶有能自行揀選填寫新操員弁送入該學堂隨同肄習功課及格仍准發還該營充當哨長

一各營駐防地段縣長必須派隊分紮往往藉口零星散佈不能調操試問分防各隊或數十人或一二十人飽食終日竟作何事非閒游浪蕩即羣聚飲博甚且逸居無教竟在外嚇詐生事擾害地方否則即因人數不足虛有分防之名耳嗣後如分防零隊每隊派一嫻習新操之弁勇除有護送防緝要差之日不計外每日必須端槍瞄準演習步伐及各項技藝母任藉詞曠廢以期一律整齊

一各營管帶所部勇丁一年以內均能演習新操槍砲打準一經親臨校閱及派員閱看中槍能及九成該管帶記功留差如只七八成即不許記功不及六成者撤委日本葦爾三島向本徵弱自改行新法勃然而興與歐美各大國相頡頏中國之弊凡事皆因循舊習不自振作以至爲人欺侮如此尙可再事因循耶

一操章必須一律每日早晚三數舉各勇出棚驕候站隊點名一次清晨六點鐘先習端槍瞄準八點鐘收隊早餐十點鐘至十二點鐘操習有用陣式及步伐號令等事一點鐘午飯三點鐘至五點鐘打靶其不打靶之日即演習跳高奪旗各項技藝槍靶暫用近日式樣高四尺寬二尺銅九槍立靶八十弓後膛槍百二十弓半年以後高寬遞減一寸遠五弓操及一年減二寸遠十弓以此遞推極槍力之所能到而止高財減至三尺止寬則減至五寸止如不遵所定之尺寸即中靶亦不准獎

一賞罰尤宜嚴明靶之尺寸既定各營弁勇如能連中全槍五次散勇提作什長如提作什長後一連三次不能全中即予記過再兩次不能全中仍



兵部左侍郎饒奏遵查江蘇等省營伍砲臺及武備學堂情形摺續五卷十八册

湖北省武備普通中學堂在武昌府省城內閱馬廠前光緒二十九年十月開辦學生定額二百五十名分三年報齊二十九年十月三十年八月已招一百七十二名分一二三三班各項教員十四員候補知府黃以霖充該堂監督教授部課漢文外國語歷史輿地數學博物格致圖畫各門即內堂功課訓育部課術科學科兩門即外場功課每門各有子目分年遞進四年畢業升入高等學堂由淺入深誠得造就人才之法中國歷史自古起已學至晉初中國輿地已學湖北湖南安徽江西廣西福建六省算法已學代數幾何第一卷教員考問時各生答對間有不合者槍操體操均有雄氣疵累處亦所不免查該學堂創立未久一切課程未能遽臻純粹惟教員半係日本畢業學生講解尙能明晰至于講堂齋舍光潔雄偉頗具振興氣象武高等學堂在省城內黃土墳二十二年十一月開辦原名武備學堂二十九年奏改今名學班長八名舊班學生十四名係本堂原有之生新班學生三十三名速成班學生四十名係本年九月由將弁學堂撥入德教習二員日本教習二員軍醫一員華教習十一員譯書管理共十三員布政使李岷琛爲總辦候補知府黃以霖爲監督各班學生不及高等程度現補學普通係課以修身漢文

北洋官報

第五百七十九册

外國語歷史輿地數學理化圖畫諸門軍事學課以戰術軍制兵器築城地形馬學衛生外國語插講諸門每門各有子目三班學生課程略有不同以二年半爲卒業內堂試以測繪代數算令理化諸學各生所習普通未久間有理解未清者外場試以步操砲操體操亦未盡熟悉查鄂省武備學堂自創設以來歷次卒業各生派入軍隊者頗多得力之人即遣赴東洋各生大率亦由此中選派是該堂實爲武才淵藪近以改名高等舊班畢業後堪充是選者一時誠難其人故以將弁撥入連舊班之不及格者一律改習普通惟各生甫經入門加以年齒稍長程效較遲故所習難云粹美 綜計所閱各處砲臺則江南較勝江西次之安徽又次之陸軍則湖北之常備軍爲最優河南之常備軍步隊六營江南之常備軍步隊四營江西之常備前軍步隊四營粗有可觀蘇州安徽之續備各軍江南之護軍四旗新湘五旗廢弛最

其其餘各營操法亦多平常水師則湖口差強餘均較遜武備學堂之規模宏富條理精詳成材多而功用著者當以湖北爲最安徽則經理有法故員生較無習氣第局面尙欠擴充江南則興辦有年故氣象頗具大觀而教法難言盡善湖南則程度尙淺蘇州則規畫未宜河南甫經開辦尙無優劣之可言至各省砲臺軍械則或新或舊頗覺參差而一切營制餉章軍服操法微特此省與彼省不同此軍與彼軍不同甚至同省同軍而此營與彼營又不同殊欠整齊畫一至于缺額之弊不肯將領平日難保其必無此次因有查閱之舉早已預爲補齊故抽查時尙無空額然其間有操法生疏者其爲臨時新募無疑又綠營兵丁久成虛設現雖間已改爲巡警藉以彈壓地方然亦不甚得力奴才每于簡閱所至首以朝廷銳意圖強重視武備之意剴切宣布其優者當面予褒嘉其劣者即逐加指摘造就堪資者勉以尊親大義見聞較囿者令其講習新操並告以前經練兵處奏定章程隨時請派大員輪赴各省認真校閱務皆努力上進精益求精以備國家干城之選該官兵學生等靡不歡欣鼓舞奮勵有加其駐紮較遠未經調閱各軍當商之各省督撫臣轉飭悉心整理以期兵歸實用餉不虛糜漸收奮武圖強之效所有奴才遵查江蘇等省營伍砲臺及武備學堂各情形謹恭摺具陳伏乞

皇太后

皇上聖鑒謹

奏奉

旨已錄

